

Seizcin Gyaеundei

美丽的春天

Daxgoeng seizdoeng gaemh diuz faexdwngx, rod hangz mumhhau de, menhnyednyed byaij lo. Dabsau seizcin riu j aen gyoiva, yamq din mbaeumbengmbeng, daeujdaengz lajbiengz. Fanh yiengh ndiu dauq, bak va caez langh, dauqcawq cungj dwg hoenghwdhwd.

Mwngz yawj! Duz roegenq daj baihnanz mbin dauqma lo, baenz duz baenz duz douh youq gwnz dienhsienq, couh lumj baenz aen baenz aen yaemfouz, cingq yienjciengq gij fwendanz seizcin. Dabsau seizcin mbehai song gen, fouxdoengh fwngzreux, dawz gij heusausau vanq rim daihdeih. Go'nywj iq heuoiq haenx angqvauvau daj ndaw namh ndonj gyaеu j okdaеu j seiqcawq muenghyawj. Dujva hix caenhsim langhhai, loh'ok aennaj riunymnyum. Gyoengq duz-

mbaj gyaеundei ndeu mbin gvaqdaеu j, gyoengqde cingq hoedheux gij va hoengzhoengz heuheu diuqfoux fofo, lumjbaenz cingq angqcoux seizcin daeujdaengz. Gij raemx ndaw dah laeyaengyaeng, rumz saeq baez ci gvaqdaеu j, najraemx fubfub fabfab, geij duz byalgw youq ndaw raemx angqfwngfwng youz bae youz dauq. Goliux hamqda hix did ngaz lo, nyefaex unqnemnem riengz rumz saeq biyedyed.

Mwngz dingq! Diuz dah iq ngon fwen sadsad, gij sing de baenzlai haeu j rwz ndei dingq; duzgoep hemqngobngob; duzrwi youq ndaw cazva aeu va caux dangz yungjriri; roegvaiqguhvaiguz heuh "doekceh doekceh", coi gyoengq nungzminz daxlungz vaiqdi doekceh; byajraez rongxrumrum, fwncin doeksasa, lumjbaenz

cingq yienjciengq hot gyaуhyangigiz couxcin ndei dingq ndeu. Gwnz deih heusumsum haenx, gyoengq lwgnyez vuedbued dwggvaez ndeu cingqcaih doxgyaep guhcaemz, seizseiz cienz daeuj sing riugoeckgoek, gyoengqde caenhcingz yiengjsouh gij saedceij ronghndei neix.

Ndaw reihnaz, ndaw suenva, dauqcawq nyouq raen homfwdfwd. Gij va'byaеkyouzcaiq henjrwgrwg haenx, gij vaciepcin gimmyigmyig haenx, gij va'ndokgengj hoengzfwgfwg haenx, lij miz gij vayinghvah saekmaeq haenx, gak cungj va doxceng langhhai, dwg baenzlai sawseuq, cingdamh. Raq rumz saeq ndeu ci gvaqdaеu j, hei qva homfwdfwd con haeu j conghndaeng, hawj vunz simsoeng vuenheij.

Fwncin doek sisi sebseb, lumj bwnvaiz, lumj cimva, lumj seisaеq,



mbatvang doxsan deihmaedmaed, gou ngiengx fajnaj, hawj raemxfwn fad youq gwnz naj. Gou nyaenx mbouj ndaej iet linx okdaеu j, cimzcimz gij raemxcij daihdeih neix, liengzsisi, diemzsubsub, iemq haeu j ndaw hoz ndaw dungx.

Gij gingjsaek seizcin caen gyaеu ha! De dwg baenzlai ronghsag lai saek, baenzlai unqswnh ndei yawj, baenzlai rangfwd haeu j ndaeng, baenzlai hawj vunz simmaez.....

Gou gyaеz seizcin gyaеundei neix!
(boux sij Lij Cingyij bouxhoiz Goenggen)



Ginwngz Rangz Iq

小竹笋技能

Dahningz youq ndaw ban gig noix fazyenz. Gou cam de: "Yaek siengj hagsib engq ndei, hwnjdanz wnggai hagsib gijmaz ginwngz ne?" De naеu z: "Gojyij hagsib gij ginwngz gaenx fazyenz." Gou naеu z: "Yienghneix raeu z hawj aen ginwngz neix an aen coh ndeu ba." Dahningz naеu z: "Coh heuh 'ginwngz rangz iq' ba, aenvih gij yiengh gou yaengxfwngz couh lumj goranz fwn doek gvaq le daj ndaw namh maj okdaеu j nei, sohsangsang."

Yienghneix, dou couh dingh mbaw byaujgiva he, caemhcaiq aeu baez soq yaengxfwngz daj ngoenz baez daengz song baez, daengz sam baez; daj youq dangz suyo z de gyaеz hwnj haenx yaengxfwngz, daengz youq gij goq wng yaengxfwngz. Dahningz naеu z: "Liuz lauxsae moix baez cungj aeu lwgda de daeuj gujli gou fazyenz, gou lij yawjraen gyoengq doengzhag hix gujli gou ne!"

Doenggvaq mboujduenh lienhguh, Dahningz hoizdap vwndiz yied daeuj yied ak, yaengxfwngz hix engqgya cawjdoengh lo. Caemhcaiq youq baez hwnj dangzhung yijvwnz, de hix daihdamj yaengxfwngz hwnjdaеu j.

Dahningz haekfug gij mbeiiq de, yungh fuengsik haengjheiq hag rox le cawjdoengh yaengxfwngz fazyenz. Gyoengq doengzhag, raeu z hix daeuj sawqsawq ba!
(Banh Yen)

Haengjheiq Bang Vunz

乐于助人

Neix dwg haemh rumz hung fwn haenq ndeu, caenh gou boux dog youq ranz. Daxmeh bae hwnjban lo, seizneix cungj caengz dauqma.

Sawqmwh, sing lingz dienhvah yiengj lo, yi, dwg daxmeh. Caenh dingqnyi daxmeh naеu z: "Lwgniq, daxmeh lumz daiq liengj lo, fwn hung lai, mbouj banhfap ma ranz, mwngz soengq liengj daengz gunghsw hawj daxmeh ndaej lwi?"

"W, ndaej ha, baijbaij!" Gou naеu z sat, dawz song aen liengj couh sikhaek ok dou, bae aen gunghsw hawj daxmeh.

Va! Mwngz yawj gij raemxfwn haenx baenz naed baenz naed youq gwnz deih dek lumj baenz duj baenz duj va nei. Gou it fwngz gaem it aen liengj byaij ha byaij. Yi, bakdou aendiemq mienhbau baenzlawz miz boux daegnuengx iq ndeu maeuq youq gizhaenx, gou byaij gvaqbae cam de: "Daegnuengx iq, mwngz vih maz lij mbouj ma ranz ni?"

Daegnuengx iq ngon z gou, yaemhywx yaep he naеu z: "Daxmeh heuh gou cuengqhag le youq bakdou diemq mienhbau deq de, gou deq haujlai nanz lo, de lij caengz daеu j. Gou siengj ma ranz, hoeng fwn doek lo. Gou caen nit, gou caen siengj ma ranz. Vu—Vu—" Gangj sat de doq dae j lo. Gou yawjyawj song aen liengj ndaw fwngz naеu z: "Haenx.....haenx dahcej ciq liengj hawj mwngz, ngoenzcog mwngz caiq daeujdaengz gizneix boiz liengj hawj gou, baenz lwi?" "Do.....docih dahcej, gou ngoenzcog itdingh.....itdingh boiz liengj hawj mwngz!" Daegnuengx iq haenx doq gangj doq byaij lo.

Gvaq haujlai nanz, gou cij byaij daengz aen gunghsw hawj daxmeh. Daxmeh raen gou ngamq dawz aen liengj ndeu couh cam: "Baenzlawz ngamq dawz aen liengj ndeu ni? Mbouj dawz song aen ha?" Gou lau daxmeh ndaq gou, ndawsim miz di lau

naеu z: "Gou ciq hawj daegnuengx iq aen ndeu lo." Daxmeh yawj gou mbat ndeu, gag danq gaemz heiq. Mbouj miz banhfap, dou cij ndaej caez yungh aen liengj ndeu lo. Sawqmwh, gizgyae hai daeuj gyaq gyaуzceh ndeu, aenci dingz youq dangqnaj dou. Caenh raen ndaw cuengci miz laeq lwgsai ndeu naеu z: "Dahcej hung, daxheiz, vaiq hwnj ci, dou soengq sou ma ranz!" Laxlawz dwg boux daegnuengx iq haxbaenh. Yienghneix, gou caeuq daxmeh couh naengh aenci gyoengqde ma ranz lo.

Bangcoh bouxwnq hawj gou roxnyinh vaiqlag dangqmaz, gyoengqvunz ciengzseiz naеu z bouxndei cungj ndaej nyangz bouxndei, mwngz bangcoh gvaq bouxwnq lwi?

(boux sij Liuz Haijyungz bouxhoiz Goenggen)



Miz ngoenz ndeu, gou caeuq daxboh daxmeh bae sanghden youz. Gou yawj hwnj gouh haiz ndei yawj he, daegbied siengj cawx. Yienghneix

Dauqlaeng Caiq Cawx

回头再买

gou doiq daxmeh naеu z: Meh, gou siengj cawx gouh haiz neix."

Daxmeh naеu z: "Dauqlaeng caiq cawx hawj mwngz." De gangj sat le, gou dauqlaeng mbat he, naеu z: "Meh, seizneix mwngz cawx hawj gou ba, gou

gaenq dauqlaeng lo." Daxboh daxmeh cungj riu ndaej dungx in bae.

Gou dauqlaeng gvaq lo, gyoengqde lij mbouj cawx hawj gou, hw, gangj vah mbouj suenqsoq!

(it nienzgaep Huz Yangzlinz)